

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

sunt nostris juvenes optimi & doctissimi, & quod aliis est concessum certa ex dispensatione, quare non concederetur tuis? Fac ergo, ut quamprimum erit commodum, ad nos illos mittas, efficiamus, ut intelligas, nobis erga te, tuosque benevolentiam & studia non defuisse, & speramus id propositum publico bono servitutum. Bene vale cum uxore, familia & Collegis. Saluum te jubent amanter Coccius & Fuglinus & alii complures. Basil. 20. Julii, Anno 1570.

Filios tuos cum miseris, recta ad me dirigit.

I. R. d

tatus ex animo

S. Sulcerus.



XIII.

S. D. Reverende & clarissime Vir, amice colende.

Servabo solenne istud in veris amicitias, ut ne quem sine meis literis isthuc eunte dimittam. Etsi igitur ante paucos dies de aliis rebus scripsi: tamen presentem Tabellarium inanem ad te venire nolui. De gravissimis & difficillimis controversiis, quæ nunc agitantur, optarim pios aliquot & constantes doctrinæ Lutheri Confessionis, placide & amanter colloqui inter se posse. Etsi enim de rebus ipsis fortasse consensus est inter eos, qui Sacramentariorum dogmata impia seridè oppugnant, tamen formæ loquendi dissimiles etiam inter nostros dissidia accendent.

Et quidam *ἰσαμοφοτικῆς*, sed in corde cum Sacramentariis consentientes, hanc majorem Syllogismi; Quod humanæ naturæ *ἰδλωρῶν* ut uno tantum loco contineatur, Christus nunc etiam retineat, passim inculcant: ex qua Minor & conclusio firmissime stabiliens dogma adversariorum, & funditus evertens Lutheri de vera corporis præsentia confessionem, sua sponte sequuntur. Simplicem etiam omnium divinæ naturæ *ἰδιωμάτων ἡγιανῶν* & transfusionem in assumptam *ἄνθρωπότητα*, defendere non possumus: cum certum sit, æternitatem, creationem, & alia quædam assumptæ humanitati non convenire. Vaide igitur optarim, distinctam de tantis rebus explicationem extare, ad quam *συζητησις* & *ὁμιλία* paucorum piorum & eruditorum proderit. Ea de re quid tibi placeat & obtineri posse videatur, significabis. Bene vale, 20. Augusti.

David Chytræus.

Sf 2

XIV